

O co?

Prali sie mularze, toć mi dziwno,  
 O tyn kasek wopna, co im spadło z łokna, toć mi dziwno.

Prali sie mularze,  
 toć mi dziwno.  
 O co?  
 Ło tyn kasek wopna,  
 co im spadło z łokna,  
 toć mi dziwno.

Prali sie stolarze,  
 toć mi dziwno.  
 O co?  
 Ło jedna heblina,  
 Ło jedna heblina,  
 toć mi dziwno.

Prali sie kowole,  
 toć mi dziwno.  
 O co?  
 Ło tyn kasek śmieci,  
 co z kowadła śleci,  
 toć mi dziwno.

Biyli sie masarze,  
 toć mi dziwno.  
 O co?  
 Ło te biydne ciela,  
 biylą sie w niedziela,  
 toć mi dziwno.

Biyli sie furmanio,  
 toć mi dziwno.  
 O co?  
 Ło biydne bicysko,  
 biyli sie po pysku,  
 toć mi dziwno.

Biyli sie bergmany,  
 toć mi dziwno.  
 O co?  
 Ło ta biydno klapa,  
 biyli sie dwa lata,  
 toć mi dziwno.